

季梁諫追楚师 桓公六年

左 传

楚武王侵随、随、汉东姬姓国。使薳委、章楚大夫。求成焉。使之求平于随、诈也。军于瑕以待之。瑕、地名。楚军于此、以待随之报。随

人使少去声。师董成。少师、随大夫。董成、主行成之事。斗伯比楚大夫。言于楚子曰、吾不得志于汉东也、

我则使然。言不得志于汉东、是我失策使然。我张吾三军、而被吾甲兵、以武临之、彼则惧而

协以谋我、故难间。去声。也。张、侈大也。楚之失策、正坐此患、故不能得志。下乃为楚画策。汉东之国随为大。随张、必

弃小国。小国离、楚之利也。张则不惧、离则不协、楚然后可以得志、故曰利。少师侈。随之少师、素自侈大。请羸雷、师以

张之。请藏其精兵、示以羸弱之卒、使少师忽楚、而愈自侈大。○三张字、呼应紧峭。熊率律、且疽、比楚大夫。曰、季梁随贤臣。在、何益。言季梁在彼必谏、虽羸师

无益于楚。斗伯比曰、以为后图。少师得其君。言不徒为今日计。且随君宠少师、未必听季梁之言。王毁军而纳少师。

毁军、羸师也。王从斗伯比之计。少师归、请追楚师。随侯将许之、季梁止之曰、天方授楚、

楚之羸、其诱我也、君何急焉。一句喝破毁军之诈。臣闻小之能敌大也、小道大淫。

小有道、大淫乱、然后小能敌大。

所谓道、忠于民而信于神也。

忠民信神、是一篇主意。○承道。

上思利民、忠也。祝

史正辞、信也。

祝史正辞、谓祝官史官、实其言辞、而不欺诳鬼神。○又承忠信。

今民馁而君逞欲、

是无利民之忠。

祝史矫举以祭、

矫举、谓诈称功德以告鬼神。○是无正辞之信。

臣不知其可也。

臣不知其小之可以敌大也。此断言楚不可追之意。

公曰、吾牺牲全、肥腍、突、粢

盛成、丰备、何则不信。

牲、牛羊豕也。牲、纯色完全也。腍、肥貌。黍稷曰粢。在器曰盛。○上兼举忠民信神。随侯单说信神、一边已忘却忠民了。故下归重民为神之主上。

对曰、夫

民、神之主也、是以圣王先成民而后致力于神。

信神只在忠民上看出。故下三告、皆关民上。成民、指养与教言。

故奉

牲以告

祝史奉牲以告神、下仿此。

曰、博硕肥腍、

博、广也。硕、大也。言是牲广大而肥充。○告神只一句。下仿此。

谓民力之普存也。

告神以博硕肥腍者、谓民力

之普遍安存、所以能如此也。

谓其畜

休去声、

之硕大蕃滋也。

谓其不疾瘵

促、

蠹裸、也。

谓其备腍咸有

也。

瘵蠹、疥癬也。三句俱承民力普存说。唯民力之普存、故其所养之畜、蕃大而无疥癬、咸备而不阙失。○答上牺牲肥腍句。

奉盛以告曰、洁粢丰盛、谓其三时

不害、而民和年丰也。奉酒醴以告曰、嘉栗旨酒、

以善敬之心、将其旨酒。

谓其上下皆

有嘉德、而无违心也。

答上粢盛丰备句。酒醴一段是补笔。

所谓馨香、无谗慝也。

牺牲粢盛酒醴、所以谓之馨香者、乃民德之馨香、无谗谀邪慝故也。○总

一笔、答上何则不信句。○内用七个谓字、七个也字、顿挫生姿。末所谓馨香一句、直与上所谓道一句呼应。

故务其三时、

养以成民。

修其五教、亲其九族、

九族、上至高祖、

下及玄孙。○教以成民。

以致其禋因、祀、

精意以享曰禋。○致力于神。

于是乎民和而神降之福。故动则有成。

谓祭则受福、战则必克也。

今民各有心、而鬼神乏主。

应夫民神之主句。

君虽独丰、其何福之有。

收完上文。

君

姑修政而亲兄弟之国、庶免于难。

去声、○修政、指忠信而言。兄弟之国、谓汉东姬姓小国。言当与之亲而协、不可与之弃而离、庶免于楚国之难也。○又找一笔。

与斗伯比之

意暗合、妙。

随侯惧而修政、楚不敢伐。

应惧字结。

起手将忠民信神并提、转到民为神主。先民后神、乃千古不易之论。篇中偏从致力于神处、看出成民作用来。故足以破随侯之惑、而起其惧心。至其行文、如流云织锦、天花乱坠、令人应接不暇。